

Reglur Sveitarfélagsins Voga um námsvist utan lögheimilissveitarfélags

Reglur þessar taka mið af viðmiðunarreglum Sambands íslenskra sveitarfélaga um námsvist nemenda í grunnskólum utan lögheimilissveitarfélags frá 25. janúar 2013 og reglum sambandsins vegna leikskóladvalar utan lögheimilissveitarfélags frá 27. janúar 2012.

1. gr.

Nemendur sem eiga lögheimili í Sveitarfélaginu Vogum skulu að jafnaði stunda nám sveitarfélaginu. Flytjist lögheimili nemanda í annað sveitarfélag eftir að nemandi hefur skólagöngu í Sveitarfélaginu Vogum skal hann eiga rétt á að ljúka námi í skólanum til loka skólaársins án þess að til komi greiðslur vegna þess frá hinu nýja lögheimilissveitarfélagi.

Bæjarstjóri getur í samráði við skólastjórnendur heimilað nemendum úr öðrum sveitarfélögum námsvist í skólum sveitarfélagsins sé þess óskað, enda liggi fyrir samþykki hlutaðeigandi lögheimilissveitarfélags um greiðslu námskostnaðar.

Bæjarstjóri afgreiðir umsóknir sem falla undir þær reglur sem hér eru settar en sé um afbrigði að ræða tekur fræðslunefnd umsóknina til afgreiðslu. Sé umsókn synjað skal umsækjandi fá skriflegt svar þar sem ákvörðun er rökstudd með skýrum hætti. Hljóti umsóknin jákvæða afgreiðslu bæjarstjóra eða fræðslunefndar skulu forsjáraðilar senda afgreiðsluna ásamt umsókn um skólavist til þess sveitarfélags sem óskað er eftir að nemandinn stundi nám.

Sé námsvist heimiluð skuldbindur Sveitarfélagið Vogar sig til þess að greiða viðtökusveitarfélaginu skólakostnað samkvæmt viðmiðunarfjárhæðum Sambands íslenskra sveitarfélaga. Bæjarstjóri skal staðfesta greiðsluskyldu bæjarins vegna skólavistar nemenda, að því gefnu að afgreiðsla rúmist innan fjárhagsáætlunar, sbr. 6. gr

2. gr.

Foreldrar/for sjáraðilar geta sótt um námsvist fyrir grunnskólanemendur í grunnskóla utan Sveitarfélagsins Voga. Sótt skal sérstaklega um fyrir hvert skólaár og skal það gert fyrir 15. apríl ár hvert fyrir komandi skólaár. Sótt skal sérstaklega um fyrir hvert skólaár á sérstökum eyðublöðum sen finna má á íbúagátt á vefsvæði Sveitarfélagsins Voga www.vogar.is. Heimilt er að taka fyrir umsóknir sem berast eftir 15. apríl í sérstökum tilvikum. Öflun gagna og upplýsinga skal unnin í samvinnu við forsjáraðila og/eða barnavernd.



3. gr.

Greiðslur miðast við viðmiðunargjaldskrá Sambands íslenskra sveitarfélaga um grunnskóla og leikskóla sem gefnar eru út í upphafi hvers skólaárs. Þurfi nemandi á hvers konar sérkennslu eða aukakennslu að halda skal um það samið sérstaklega. Forsjáraðilar sjá ávallt um allan flutning nemanda til skólans sem viðkomandi sækir og þann kostnað sem af því leiðir.

Forsjáraðilar bera ábyrgð á að innrita nemanda í viðtökuskóla og Sveitarfélagið Vogar sendir staðfestingu til viðtökusveitarfélags og viðtökuskóla um greiðslur hafi umsókn verið samþykkt.

4. gr.

Sveitarfélagið Vogar heimilar námsvist í öðru sveitarfélagi á eftirfarandi forsendum:

- Þegar nemandi þarf sérhæft kennsluúrræði sbr. 17. gr. grunnskólalaga nr. 91/2008 og ekki er boðið upp á slíkt úrræði í skólum sveitarfélagsins.
- Þegar nemandi er ráðstafað í fóstur samkvæmt ákvæðum barnaverndarlaga nr. 80/2002.
- Þegar nemandi fylgir forsjáraðila/aðilum sem stunda háskólanám sem krefst tímabundinnar búsetu utan Sveitarfélagsins Voga enda teljist námið láns hæft að mati Menntasjóðs námsmanna og staðfestingu á námsvist sé framvísað.
- Þegar félagslegar forsendur nemanda kalla á slíka ráðstöfun.

5. gr.

Ákvörðun á grundvelli 1. tl. 1. mgr. 4. gr. er kæránleg samkvæmt fyrirmælum 47. gr. laga nr. 91/2008 um grunnskóla. Rísi ágreiningur um afgreiðslu umsóknar á grundvelli 3. tl. 1. mgr. 4. gr. er heimilt að skjóta málinu til fræðslunefndar.


6. gr.

Áætla skal fjármagni í fjárhagsáætlun hvers árs til að standa straum af kostnaði sem hlýst af framkvæmd reglna þessara. Ef sýnt er að kostnaður fari fram úr samþykktum fjárheimildum ber bærarstjóra að óska eftir viðauka við fjárhagsáætlun hjá bæjarráði Sveitarfélagsins Voga.

7. gr.

Ofangreindar reglur taka að öðru leyti mið af viðmiðunarreglum Sambands íslenskra sveitarfélaga um námsvist nemanda í grunnskólum utan lögheimilissveitarfélags frá 25. janúar 2013 og reglum sambandsins vegna leikskóladvalar utan lögheimilissveitarfélags frá 27. janúar 2012.

Reglur þessar samþykktar á 100. fundi fræðslunefndar þann 13. febrúar 2023 og staðfestar á 203. fundi bærarstjórnar þann 8. mars 2023.



Gunnar Axel Axelsson, bærarstjóri